

Broj: 02-30-0803/21
Sarajevo, 18.05.2021. godine

DOM NARODA
PARLAMENTA FEDERACIJE BIH
n/p Tajnika

DELEGAT U DOMU NARODA
PARLAMENTA FEDERACIJE BIH
G-din Boris Krešić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-06-2021			
Org. jed.	Broj	Priloga	Vrijednost
05/2	- 02 -	40	21

PREDMET: Odgovor na delegatsku inicijativu– dostavlja se

Poštovani,

Federalno ministarstvo zdravstva zaprimilo je aktom broj: 05/2-02-40/21 od 08.02.2021.godine od Tajnika Doma naroda Parlamenta Federacije BiH Inicijativu podnesenu od strane Krešić Borisa, delegata u Domu naroda Parlamenta Federacije BiH, a koja se odnosi na organizaciju polaganja stručnih ispita pred Ispitnom komisijom Federalnog ministarstva zdravstva.

U pritvku dostavljamo odgovor Federalnog ministarstva zdravstva na predmetnu Inicijativu.

S poštovanjem,



Prof. dr. sci. Vjekoslav Mandić

Privitak:
- kao u tekstu

Kopija:
- VLADA FEDERACIJE BIH

**ODGOVOR NA DELEGATSKU INICIJATIVU PODNESENU OD
BORISA KREŠIĆA, DELEGATA U DOMU NARODA PARLAMENTA
FEDERACIJE BOSNE I HERCEGOVINE**

I.

Delegat u Domu naroda Parlamenta Federacije Bosne i Hercegovine, Boris Krešić, podnio je delegatsku inicijativu koja se odnosi na sljedeće:

„Obavezuje se Ministarstvo zdravstva Federacije BiH da sačini godišnji plan polaganja stručnog ispita za doktore medicine i ostale zdravstvene radnike koji su završili fakultet zdravstvenog usmjerenja, pred nadležnom Komisijom, koja će po potrebi, u određenim terminima, dolaziti i u druge kantone na području Federacije BiH.“

II.

Federalno ministarstvo zdravstva, u svezi sa predmetnom Inicijativom daje sljedeći

ODGOVOR

Temeljem članka 11. Zakona o Federalnim ministarstvima i drugim tijelima Federalne uprave ("Službene novine Federacije BiH" br. 58/02, 19/03, 38/05, 2/06, 8/06, 61/06, 52/09 i 48/11), Federalno ministarstvo zdravstva vrši upravne, stručne i druge poslove utvrđene zakonom koji se odnose na nadležnosti Federacije u oblasti zdravstva, što podrazumijeva između ostalog i upravni postupak odobravanja polaganja stručnog ispita zdravstvenih djelatnika do njegovog okončanja položenim stručnim ispitom .

Pravilnikom o pripravničkom stažu i stručnom ispitu zdravstvenih djelatnika ("Službene novine Federacije BiH" br. 6/11, 10/11-isp, 41/11, 81/12, 58/15, 51/17 i 96/17), utvrđen je način polaganja stručnog ispita zdravstvenih djelatnika pred Ispitnim povjerenstvom Federalnog ministarstva zdravstva.

Također, člankom 17. navedenog Pravilnika, utvrđeno je da se polaganje stručnog ispita zdravstvenih djelatnika vrši pred Ispitnim povjerenstvom koji imenuje i razrješava nadležni ministar zdravstva. Obzirom da je imenovanje povjerenstava za polaganje stručnih ispita za zdravstvene djelatnike sa završenim fakultetom zdravstvenog usmjerenja u nadležnosti Federalnog ministarstva zdravstva čije je sjedište u Sarajevu, a što je određeno Zakonom o federalnim ministarstvima i drugim tijelima federalne uprave, isti se ne mogu polagati izvan Federalnog ministarstva zdravstva.

Polaganje stručnog ispita je upravni postupak koji se vodi kod ovog ministarstva od momenta prijema zahtjeva za polaganje stručnog ispita do njegovog okončanja, odnosno do položenog stručnog ispita.

Sukladno nadležnostima, koje su propisane gore pomenutim Pravilnikom i Zakonom, ovo ministarstvo organizira polaganje stručnih ispita za zdravstvene djelatnike nakon obavljenog pripravničkog staža prateći dinamiku prijave kandidata svih profila zdravstvenih djelatnika visoke stručne spreme.

Naglašavamo, da je ovo ministarstvo ekspeditivno u organiziranju stručnih ispita zdravstvenih djelatnika svih profila pa tako i doktora medicine, bez obzira da li se radi o jednom ili više prijavljenih kandidata za polaganje stručnog ispita, kao što

naglašavamo i to da nikada nismo imali prigovora od strane zdravstvenih djelatnika, da se za prijavljene kandidate nije organizirao stručni ispit.

Napominjemo da je zabrana održavanja pripravničkog staža bila na snazi samo na početku pandemije, i to do 29.05.2020. godine.

Ovo ministarstvo je razmotrilo dostavljenu inicijativu, te je za zdravstvene djelatnike svih profila povećan broj ispitnih rokova na godišnjoj razini, što se redovito objavljuje na službenoj stranici Federalnog ministarstva zdravstva, a sukladno dinamici pristiglih zahtjeva za polaganje.

Slijedom navedenog, delegatska inicijativa je prihvaćena u dijelu koji se odnosi na prijave za polaganje stručnih ispita zdravstvenih djelatnika i poduzete su mjere u cilju realizacije iste, a kako je opisano naprijed.